

嘉慶直隸太倉州志

直隸太倉州志卷四十一

人物

藝術

太倉州

元

宋尹文字文璧海道千戶祐子幼習學用薦爲翰林簡
閱官學琴于徐秋山得其傳大德間魯國長公主問其
名召至奏胡笳十八拍公主稱善後南歸老于報本寺
精六壬遯甲術推測多奇中

亦見崇
明志

明

張彥才善傳神揚維楨常主其家爲詩畫交子子明繼

之永樂間徵至京有名公卿間

周位字元素博學多材藝尤精畫洪武初徵入畫院官
披山水畫壁多位筆同業害其能卒死于譏

邵伯俞精醫洪武初徵入太醫院子啟南世其職

郁震字鼎文世業醫有名震讀書尚節義初應名醫召
至北京復以才武三從偏師經略西域諸國以功授蘇
州府醫學正科賜三品服致仕年八十一終弟性字鼎
志亦精醫事與兄齊名

趙楷字宗範精字學永樂中以善書除廣西都昌縣丞
范暹字啟東畫翎毛花竹永樂中入畫院暹藝精負賞

鑑一時愛重之

亦見嘉定志

陸伯倫工楷書永樂中薦爲中書舍人

張謹字敬民雙鳳里人業醫以薦仕至醫師能起垂死
竟不責報壽七十二子羽見薦辟

謝克銘字用拙宣德間以草書馳名

周煥文家于沙溪世業醫從父成河間代歸醫道大行
延治旁午急于濟生不擇貧富聲譽籍甚嘗自誦曰
吾十年運有病早來醫

許謹字元孚其先鸞江人隨宋南渡家太倉謹少從鄉
先生王安道游通儒書深造醫理自號婁愚

陶浩字巨源少攻學館于許氏傳元孚業能數起奇疾
遠近聞其名求療者日至素清修有士行鄉人至今稱

名醫必曰巨源

按湧幢小品陶浩名于醫年中丞客之一夕持溺器閃在明日告歸曰腎係絕

不出七日矣歸及門而死

陳純精于內科治疾不泥古方人賴其回生者甚衆後以薦授梁府醫判

張翬字文翬畫山水宗馬遠至老益工李夢陽有題張

侯所藏翬畫山水歌弟翬字文翔慷慨尚氣節善書宗

歐顏二家大者可方斗其書諫院題名記尤超偉

按水東曰

記翬性嫉惡不容人過一御史按吳中無狀翬忿不能平因建白事多指斥衆傾之謫開平數年以有還言及御史不律者翬復瞋目罵曰使得一椀凉水已吞之矣其倔強猶昔也

曾魯字敏道讀書好說禮善歐顏楷法日課百字至老不廢

張乾字惟健工畫宗馬夏法得意處人謂過張翬能作

大字州初立題額多出乾手以薦入直仁智殿

先是其和倫構

樓太倉塘上下成化九年六月初一日建乾進

生後乾北上過淮隨水死樓亦以是日覆水

陳天定字定之蒙子儒雅善畫喜元理晚得疾死三日

更生遂號甦菴家多名畫故花草翎毛人物絕勝其山

水則宗沈周卒年八十四

仇英字實甫移家郡城畫師周臣工臨摹欲亂真至用

丹翠圖像則幽麗清細賞鑒家謂不下古人女號杜陵

內史畫人物有父風

周楨字子祺先世春陵人始祖世德仕宋爲承直郎南

渡居婁九世孫某號坦齋以醫名壽九十三終子砥字

履道明洪武初授興國州判不就委山東監造戰車浙
江監築海岸有能聲亦精醫卒壽八十有二子康康子
頤頤子深皆克繼先業禎得三世之傳故所業尤精
周吳字廷順好讀書家富少多疾遍請名醫治之後遂
精其術人來就醫者多館穀之兼施以藥弟豫封中書
亦以瘍科名

邵啟南沙溪人世以瘍科名于鄉

陸晨字昭甫詩畫知名知州李端待以賓禮鎮洋山成
屬作頌

尤求號鳳邱由長洲移居太倉工寫山水兼人物嘗畫
小西門關廟壁作行軍勢又畫昇山藏經閣壁作諸佛

像皆絕技女適周鳳儀傳父筆且習詩鳳儀亦精畫晚年夫婦持齋藉畫以給暇則相唱和鳳儀字仲來改名牧

王舜國號桂官南京人萬歷甲寅間來寓城隍廟粗墨筆畫人物意疎古絕肖性嗜酒當興會則連幅應否則重覲不得後卒于州

朱蒙字昧之精茶理先是芥山茶葉用柴焙之蒙易以炭焙香冽又創諸製法茶品遂推芥山第一今山中肖像祀之其書法亦名家

僧柯雪初爲火者輒于突作樹石狀後畫山水有名家風韻

國朝

張復字臨石畫山水師錢穀入能品天下得其纖素以爲重同里武起鳴字君揚本姓孔得其傳兼長吟咏喜顧曲舉鄉飲賓

蔡純一字得陽畫法沈周水墨牡丹尤入神又明醫理投藥輒效然性情瀟灑醫畫所得輒隨手盡雅不喜與俗人交苟非當意卽軒冕不能致也

顧見龍字雲臣善畫人物繼躅仇英工寫照風神態度無不畢肖

世祖召入畫院呼爲顧雲臣故常以字行歸自號金門畫史

黃與圭字廷秉與堅弟篤孝行喜遊覽尤精於醫能起
沉痾著易經要旨

顧政字六紀本楊氏子從顧見龍學畫人物因冒其姓
擅名于時學上納蘭揆叙贈以詩譽之甚至

吳斐字天翼幼習儒業畫山水極蒼秀從王原祁遊有
聲卒于京邸

沈睿字幼白少負逸才盛文譽游情篆籀所鐫刻多古
意

周岱字魯瞻父孝逸名諸生能文任俠岱幼奇穎恃才
放誕屢應童子試兩藝竟輒作詩或畫花草於卷以故
卒不售然益知名嘗遇友人作醵岱涉筆成畫令人持

易市爭購之得錢共飲爲快久之欲遊京師適衛弁有
轉漕北上者邀與偕途中頻索畫乃厭苦之登岸覓寓
不復入舟比至京某王府聞其名延之賞菊座多名流
分韻賦詩席未終佔百韻俱成一座皆驚無何疾作歸
至滄州語同伴曰疾驅之某日過州吾乃生否則死矣
不及至而卒年四十

顧荅字云美精篆隸及鐫刻金石能得古法知名于時
顧子惠善音律初蘇崑生至婁珍其技不輕授人子惠
偕其友施雲章竊聽之盡記其點拍退而習焉已而詣
蘇歌之蘇驚曰子從何處竊我歌耶遂悉指授然惟子
惠能窮其妙樂器亦無不精曉後并通韻學譜二變七

聲之義遊京師有聲

吳俶字慎脩自號海鷗子畫翎毛花草秀雅生動

王純字遵一能詩文工書法善畫翎毛花草寫生與吳俶齊名

王昱字日初居墅溝工山水有高韻族兄原祁開畫局于京師四方善繪者雲集招昱管局事三年業益進凡乞原祁畫者先令昱成圖略加點綴而已歸里後遠近爭造其門以幣致之

朱敷字掌綸州庠生讀書好古尤精行楷沈起元跋其千文墨刻謂入歐虞之室

毛在鵬字萬程父煒工詩文明形家者言在鵬以病棄

舉子業復得滑土麟指授益精其術晚年攷律呂究聲韻工翰墨卒年七十有七著有地理舉一

毛燠原名汝珍字子韞父應源工六法燠幼慧日與昆仲分題刻燭攄寫性靈尤工繪事兼長琴學一彈再鼓多逸致嘗一至京師王公咸愛重之然性孤潔不爲富貴屈晚耽禪學卒年七十有七

顧瑜字士瑤性孝友精六書著有說文攷證六卷沈德潛稱其博核不亞趙宦光中年書益工求者嘗滿座應之無倦餽以金辭不受自號稼畧老人年八十五以終王應麟號松亭監生性耽山水力摹前代名畫及王鑑指法間畫人物花鳥亦有宋元筆意年五十後遊覽天

台雁宕間得江山之助頗自珍秘不以與人里黨得其尺幅咸珍之

醫岳者兵家父也姓林棄儒事醫讀岐黃書自謂有得能活人會東郭氏有狂疾瀕死或進醫岳果不越旬而瘳有鄰人過橋畔見羣羊墮下聲若投火于水者歸而病使人要之往切其脉曰亡陽者見鬼此其疾也潛使人求伏犀之枕煮其味而飲之立愈父蚤亡事母孝畜子嚴年踰六十忽感疾謂其友曰吾漸不新矣一歲果卒

張禮號懋園監生少讀書後棄舉子業攻岐黃術其爲醫不受人酬謝貧者與錢爲藥餌資每遇有召雖寒暑

風雨無不立赴人誇其神效並服其高義年八十餘卒
孫茁字仲初能琴善畫學黃子久寫虞山圖逼肖

陸燦字景山善丹青工傳神尤喜畫大士像寓蘇州織
造以名聞應 召恭寫

御容後西藏僧班禪額爾德尼

譯言寶也

來朝又奉

旨

寫其像卒于京邸

陳顧涑號蘧蘧州學生崑山王成博黃九來皆出其門
精醫能起死有陳仙之稱著蘧廬醫案十卷

蕭蓮字健恒邑諸生精岐黃遇所不可治弗肯詭隨遠
近爭投之

顧鉞字念公善山水與王翬並擅名少依舅氏黃與堅

亦能畫故人謂得舅氏之傳

呂琛字自崙性恬淡好吟咏尤工畫翎毛花草善書

曹毅字子剛少貧讀書博古後通醫術驅使刀圭如神
既老饒于貲親族貧匱告貸無弗應者長壽菴不橋圯
獨力修之年八十三卒

王鼎字芝房庠生人品秀潔居吳門畫蘭得趙吳興真
傳工琴梅花三弄一搥尤稱絕調

陸畧字峻聲監生幼習岐黃尤精瘍科險症應手立愈
性落拓不責報人益德之某家不戒於火救者被壓援
出僅存一息畧爲醫視竟得全活又一輿夫背生疽身
腫視之曰固危症也然可治急攤一膏大如盤貼之旋

正嘉大倉州志 卷四十一
愈兩人皆貧所用藥則皆珍貴也

嘉定縣

元

譚友文字士元精陰陽家術仕至朝散大夫判太史局
居官廉謹雖見知權要未嘗以干請自溷

唐永卿宋時有以道者爲太醫院提舉從高宗渡江因
家浙之紹興其後世世爲醫官元元貞中永卿爲平江
路醫學教授始占名於嘉定誠子孫旣通經義必令學
醫五世孫毓字玉成藝業益精明初薦入太醫院

周孟容寫神擅絕嘗繪一時名人楊維禎輩爲聚英圖

明

李明善工印篆摹秦漢法入古王彝作印說千餘言遺之

張展字翰宸博學工古文尤以書名于世洪武初聘署儒學訓導

翟祥字均是以字行通陰陽術數明太祖令占候皆驗賜勅命世爲本邑陰陽學訓術自號希微子宋濂爲作傳誌之

唐朴字尙質永卿七世孫居城博聞高行而以醫名一病者更數醫不效延朴診之因出示前醫諸方朴指之曰某某皆不應經旨某法是矣而不效者病人偉軀幹以常劑投之故不效卽其方加數倍飲之而愈嘗過張

秋役夫大疫朴置藥貯大盎飲之活數千人年八十餘晨起見青衣童子捧簡至曰請歸朴嘆曰上帝豈以張秋之故耶無疾而卒弟椿字尚齡名與兄埒嘗參考諸家方論著原病集行于世從子煊字德明未冠名聞四方陳進士父病熱發狂踰垣越屋壯夫不能遏煊令置水浴器有力者捉而投之方沒股不復跳躍因遍沃之遂倦卧汗出而解太倉武指揮妻起立如常卧則氣絕欲死煊言是爲懸飲飲在喉間坐則下墜故如常卧則壅塞諸竅氣不得出入而欲死也投以十棗湯而平從孫欽訓字道術精于醫性復孝友尤喜讀左氏老莊常言多藏厚亡天之所惡自遠于禮恥辱及之由是所至

見重

封錦字尙綱景泰間歲貢官東平州同知善篆隸亦能行草

章冕字尙周諸生善楷書行草九工大字

陳宣字以昭善章草宗宋克

徐忭字德充天順六年舉人善楷書行書宗聖教序

沈齡字壽卿善詩文九精聲律嘗客大學士楊一清家武宗南巡幸一清第屬撰四喜傳奇選絕聰慧者習之隨撰隨習一夕而成明旦令供奉武宗喜問誰所爲一清以對召齡欲官之不受而歸

金大雅字伯醇少稟伯兄大有之訓力學有名于庠序

通軒岐之書歲稔人多疫所治輒效遇父母疾所投藥必遍檢方書或虔禱于神然後爲劑以進其誠孝如此一人少年子身在郡久之病療而所述病狀殆近女豔人疑其客舍有私大雅往察脉曰今病在右言左何也豈得之酒乎此不過兩劑卽起耳已而果然

傅璩字汝文居江東世業醫璩視病決生死無不驗者有沈某妻死而未殮璩視之謂尸厥耳不死也急治湯液灌之應手而甦嘗與鄉進士沈積同舟卧診其足脉歸語積父曰郎君殆有疾徵不宜令與計偕沈不爲意卒道死其神異多類此投醫術訓科

陸鑑字國馨聰警絕人弱冠病痿謝舉子業刻意學書

小楷得鍾王意行草咸入規度善鑑古法書名畫器物毫髮不爽

金印字承齋生平實行善事由黃渡至安亭凡十一石橋皆其捐貲獨造又精於盧扁之術凡經療治無不立瘳志在濟人雖貧民來懇診視必急趨之從孫南蓀字九韶能嗣其傳

王綸字子音能文解歌曲嘗以紙鑿燈帶人馬花鳥諸形工細稱絕

湯哲字濬冲爲邑諸生前後受知於知縣謝三賓萬任遭世不偶僑寓虎邱自稱愚谷道人窮研醫術爲時所宗後歸老於鄉自爲墓誌其子貞亦以醫著

張彥字伯美工畫山水及花鳥人物與吳門張宏齊名亦工詩子芑字子揚傳其術

國朝

沈兼字兩之父從朱稚征學竹刻兼精思追摹盡得稚征刀法父子並稱于時

陸曜字君暘以字行貌陋好滑稽少能協律尤善三絃世祖召入彈龍虎風雲之曲稱旨侯門貴邸邀請無虛日或欲隸之太常弗屑也年七十尙能作過雪逸響宋琬贈詩云曾陪鐵笛宴寧王吹落梅花滿御床幾度淒涼春草碧不堪重過鬪雞坊曜歿其傳遂絕

顧九吉字祥芝精陰陽術能占候從遊者每遠道來訪

至今堪與家多宗其術

須鼎字爾新布衣業軒岐負豪氣善鐵笛亦工於詩

魯光被字雲石邑諸生望誤復應童子試爲崇明縣第一旋以冒籍斥絕意進取改名詹遊淮揚河洛間旗亭驛館信手畱題歸隱楊行主白沙吟社以工書法名一宗其儀字斗樞父正傳福建南平丞其儀居於鄉講學課耕敦長者行能書後以詩名白沙社

茅旦字右周本印氏子少育於茅因傳其術爲胎產專家兼雜症治有神效爲人長厚端方於本生及茅氏貲產一無所受而兩姓諸喪皆爲營葬其時張仲奇從上海名醫指授得其秘妙療疾多奇中又張兆錫字用之

精小兒醫太學生張漢昭字觀光馬贊皇字廷相沈爾望字三慰咸工醫能以濟世爲心

郁士魁字橘泉精瘍醫有盛名子孫世傳其術其徒陳曰允字耀甫善刀鍼能治危症與師並驅

吳通字海嵐性高介通諸子百家精星學言禍福多奇中常拾遺金數十兩俟其人來還之自言當於某日卒至期果然

印之玉字仲連長於古隸邑中寺宇園亭篆額多出其手弟之章工楷書子長年書法遒勁無異前人

秦世進字繼越業儒得外科真傳以術名世見人貧病輒施藥餌子鉷字範如精內科推重一時堂中術追起

號杏林拔萃兩額皆陸隴其前後所給也又能詩多與
吳康侯孫致彌王晦倡和

朱伯驤字元逸少研儒學不得志去治岐黃之術遇異
人秘授時值大疫伯驤救劑賴以存活者甚衆

沈聞典字寧菴幼習舉子業不就學岐黃之術早夜探
索不數年其術漸稱神爲人忠厚端恪一以濟人爲事
雖單門小姓急而叩之無不立赴

李繼隆字持盈新安人遷居江灣善岐黃子維界字大
千能傳父業知縣馮聯芳給匾獎之

張古民字仁遠善山水絕似李長蘅教授生徒而有法
人爭延爲師號南田先生

張濤字紫瀾業醫尤長於傷寒有神效

俞嘉言字世則初習外科後兼大方名噪一時遇貧者求醫雖肩輿迎候者在門必徒步先往治之年八十二而卒

俞堅字心一曾祖璫祖都世有隱德父琳字林仲精堪輿術堅兼通壬奇之學品行方正少學醫于隱士金汝鉉常起危疾每慮藥性多偏小不謹輒致害人著醫學慎術以發明其旨

陳情字文表畫花鳥及虫魚信筆揮灑皆有生氣從孫培字綿生尤縱橫秀逸與馬元馭齊名培從子泰亦工其藝

金造士字民譽都事兆登孫工山水家藏名蹟朝夕臨摹遂得宋元人之長

沈蒼字葭溪善繪事嘗至京師從泰西人遊畫樓殿官室工細無比

施天章字煥文以竹刻名巧若神助亦善畫雍正間織造以所刻進 命供奉如意館乾隆初官鴻臚寺序

班被酒獲譴養馬翁山後忠勇公傳恒請於 上得

回籍天章生有異稟洪聲修髯性癖能月餘不食但飲清水人無貴賤皆爾汝之織造圖拉新至破衣往謁聞者駭拉聞之延入上座畱數日不辭而去年七十三卒陳浩字智周縣庠生工隸法漢曹全碑鐫刻尤精其弟

子唐材字志霄獨得其傳藝林頗重之後有印蟾桂者
本姓茅字步青亦工篆刻得錢充芸之傳所鑄銅玉各
印極有名家風範年未三十卒

周顥字晉瞻美鬚髯人皆呼爲周髯善山水亦工墨竹
嘉定竹玩創於前明朱氏顥又別出新意山水竹石俱
得元人畫意一經雕鏤倍道秀可喜性狷介富人厚聘
招之辭不往恒種菜自給好飲後病疽分必死乃召酒
人痛飲坐漚龍潭上對月有人授以藥吞之歸家卧至
旦疽已痊矣年至九十七卒子早亡以姪笠之子爲後
笠字牧山亦善畫嘗遊淮揚間馬曰璐居之小玲瓏山
館邑中言畫者稱大小周云

趙丕烈諸生畫宗大痴乾隆乙酉

南巡與同邑俞榕嚴鉅進獻畫冊深蒙 睿賞載入

南巡 盛典

寶山縣

國朝

王貞爵字士修能詩工書精六壬術多奇中卒後里人
爲扶鸞之戲憑書休咎署爲酒顛蓋其生時自號也子
渭熊字汝師飛筠字翼師俱克紹家學

姚鎔字鑒清書法米芾畫宗李公麟作詩直寫性情天
真爛然同邑於景燾工篆刻亦得鎔指授云

王貞儒字士珍業岐黃洞曉素問用藥有神解所授立

起族子約之受成德幾皆世其業德幾字履和邑諸生
工時藝

陳澗字慰望工書法明醫理子倫表有父風孫啟謨字
西周邑庠生博識典故輯桃溪試言

朱庭采字亮之攻瘍醫刀圭如神時有印寧之擅小兒
科名與庭采相埒

金趾雷字雨三幼爲童子帥能書善吟長通醫學所治
輒愈遐邇爭迎之

李恬字于珍幼孤善病究心醫理遇疑難症能出獨見
以活之俗呼李仙其徒程思洛字錫疇療疾亦奇中恬
予式如世其業

范儀普字王臣書法陸深里中屏幃多出其手同時奚聽濤字施堂並能書

于登奎字觀容景熹從子與秦之相並工丹青高自位置少所許可時人怪之

周有文字晉從精醫性謙退急人貧病治小兒最爲神妙叔孫錦亦以醫聞

〔崇明縣〕

〔元〕

黃執中西沙人幼穎悟讀書過目輒了了遇異人得岐黃術熟素問難經切脉極精審療病如神不以貨利爲念尤人所難

〔明〕

朱禮字用和邑庠生性坦率永樂中以能書薦授戶科給事中轉中書舍人累陞尙寶司卿書得顏柳法兼工籀篆

施文會字志學少爲諸生好學尋以病廢遂旁通術數能聆人音聲隨其清濁輕重而定吉凶歷驗不爽

黃侯陽邑諸生少學董其昌書法後嘗入郡爲人作書署其名其昌見之詫曰此非我書何神似也詢得侯陽名卽羅致之名由此重時以董黃並稱

國朝

梅士龍字潤吾工書法遊京師士大夫重之

王元科字仁甫精於外症肉骨者無算

林逸字夢安其先蘭谿人世爲名醫明中葉徙於崇明
逸好讀書攻制藝久之棄去潛心世業康熙十九年縣
大疫逸比戶診視貧者以藥周之有餘金則送郡之育
嬰堂三十四年無疾而逝刻有養正三篇

張藻字孝升性好前人名畫遂工山水老而彌精識者
謂入董巨之室

黃穎字稼書初緒嗣子性穎悟年甫成童爲邑諸生工
圍棋弟頴字掌綸亦善奕時人謂之二黃嘗至杭州鳳
凰山邀諸名手盛其陳設爲角勝負注以千金越二日
晨至山下甫張幕聞山上如雷聲大石遽墮正壓楸枰

因詫曰甚哉伎之不可銜也乃罷奕

吳洽字雨周邑諸生工楷書神似歐柳

黃宗璧字商彝性樂易工草書臨孫過庭書譜幾於神似家貧不屑干貸清議高之兄琮字耀琨畫蒲萄松鼠尤入妙品

曹天植字蒼培行草俱工大字尤妙

陳泉字杏仙工山水清雅絕俗意在筆墨之外

黃綱字立三邑庠生生平善摹文與可畫竹筆墨蕭瑟有風致時珍重之

沈曦賓工文不汲汲于科名嘗從陸道士學琴指音妙絕陸謝不如後四方好事者不遠千里訪之晚年鰥居

太倉嘗搽落梅一曲梅卽片片下理風入松三闋時炎
歎方烈涼風忽生人以爲伯牙後身也

黃濤楫字蓬園康熙初其父遷吳門居虎邱因占吳縣
籍爲諸生善書學亦似歐柳

周南字岐來邑庠生以母病遂治岐黃精其術康熙六
十年日本王聞其名渡海延之往遍醫悉驗王使國中
醫皆受業五年而歸著其慎集五卷行於世日本人平
君舒爲之序

孫以仁字楚山習岐黃術多效總兵陳倫炯王澄俱給
額獎之然以仁恥以醫名攻舉業年五十餘補邑庠生
知縣許維枚額其廬曰濟世名儒以仁乃喜卒年七十

顧宏禮字維恭以醫名遇危證雖昏夜延之必亟往治
所入輒供施藥之費爲死無歸者置棺年老猶昕夕手
醫書或勸少休愀然曰學醫人廢弗學則誤人其慎如
此

龔觀光字陞九邑庠生祖有成任江西靖安教諭家有
藏書恒手抄成誦授徒數十年貧無力者資膏火成就
之精岐黃術矢志濟人不辭勞瘁卒年九十二子岳宗
恩貢生能世其家

沈溥字天如嗜吟咏兼精岐黃有異術鄰婦因忿氣絕
將斂溥曰體微溫尙可救也今以火炮四圍環放之婦
復蘇又有少婦病祟延溥診治甫及半塗病者曰天如

先生至矣遂霍然起溥故有藥到病知能駭鬼之句年九十二卒著有學醫必讀四卷時有諸生樊聖傳字曾一亦工醫名與溥埒

施丕夏監生工琵琶指法神妙凡得于耳者無不可和其聲以與之合嘗有內府曲師聞之嘆爲奇絕謝弗如也

黃金谷字上林監生性豪放跌宕詩酒畫翎毛花卉栩栩欲活寸縑尺幅得者寶之

劉上林圍棋爲天下第二手象戲則終身無敵者

生員屠

奉詔校
逢泰

直隸太倉州志卷四十一終

直隸太倉州志

卷四十一

藝術

充

直隸太倉州志卷四十二

人物

列女

按定例婦女以節烈貞孝著者咸得旌而節婦以年未三十而守及守滿三十年者爲合

例旣合例矣家貧地僻無親戚子孫及里胥鄰保爲之呈報終其身茹荼集蓼弗得與烏頭綽誤之典正復不少也太倉各屬志紀列女者體例不一有節婦烈婦貞孝女分別紀載者有合載者又有已題旌未題旌及有司給福分紀者茲分已旌未旌兩項彙而敘之不更分類而有司給福歸於未旌之內庶覽者不嫌其煩瑣焉列女之傳始於劉子政范蔚宗子政之傳列母儀賢明仁智貞順節義辨通爲五蔚宗之傳於恒少君蔡文姬皆詳載其中蓋兼取文章賢達而不徒以志節傳類于政之意今別爲一卷附節烈貞孝之後猶古人之志也至史法列帝紀於卷首故以列皇后冠其端

明莊烈帝愍皇后周氏其先蘇州人居嘉定之婁塘天啟中選入信邸爲王妃王卽帝位立爲皇后崇禎十七

年三月十八日都城陷后自縊

世祖章皇帝定鼎諡曰莊烈愍皇后與帝同葬用貴妃
寢園

太倉州

明

陶氏嚴華妻年二十二守節旌

孫氏陳可久妻年二十八守節撫于思及長娶婦孫氏
未幾思亦歿姑媳相依撫孫篋爲黃帳主簿其時孫
被旌而婦節未及篋構堂奉母顏曰雙節

以上洪武年旌

按節婦旌者均宜坊表今舊志旌表者寥寥
是時力不能建則遺漏多也

不載建坊云云今無從考補體例難以盡一
故槩刪之至旌表年分有紀亦有不紀者參
差不一故總以旌字標之年遠無考者
以一朝總紀年近以十年爲總紀云

曹氏徐元亮妻旌

邵氏錢景暘妻旌

張氏周敬妻守節數十年旌

胡氏顧幽妻早寡舅姑欲令改志氏以死自誓旌

以上成化年旌

陸氏郁蒙謙妻年二十一寡旌

劉氏王貴妻守節四十餘年旌

俞氏顧鉞妻年二十寡撫遺腹子守元成進士旌

朱端卿鄭有光妻年十六寡常置一白甌於几上或問

之曰重其潔白不受汙也卒年九十旌

以上宏治年旌

龔淑寧朱寔妻年十八寡姑陳氏故節婦淑寧事之甚謹旌

劉氏顧金妻金亡無子事姑以孝聞旌

楊氏夏淵妻年二十寡撫孤守節四十三年旌

王氏周埜妻年二十六而寡無子績紉養姑有謀娶者聞之自縊以救得蘇旌

以上正德年旌

唐秀金郊容妻早寡撫孤鼎成進士御史奏旌曰貞節王氏嘉定人適周鑑早寡遺二孤皆病疹死遂自縊氏

幼喜讀書有至性父卒于京師哭之哀慟聞者皆淚下有妹嫁而歸恥其姑之行不肯執婦禮語之曰妹過矣曷若盡孝使之自媿而不爲也其明大體如此旌

金氏過麟妻夫歿撫子君表成立旌

項氏王時雨妻年二十四夫亡教子任用成進士旌

王氏世懋女趙初美妻年二十七守節撫孤長子士履以祖文毅蔭工部員外郎得封宜人故事膺封者不旌宜人蓋異數也

周氏毛與復妻旌

以上嘉靖年旌

陳氏楊希賢妻年二十二守節舅姑沒值寇亂喪葬如

禮旌

徐氏唐武揚妻夫歿自經年二十五旌

以上萬歷年旌

杜氏劉大綱妻早寡奉姑撫子隆嗣爲諸生旌天同媳
守節年八十餘卒旌

凌氏徐大欽妻年十九夫亡事舅姑孝女適金兆樂年
十九夫亡依母守節凡三十年母卒喪葬畢遂斷飲食

積二十一日而絕並旌

張采志按徐貞孝死事在天啟二年先是母以正月十五日死

貞孝於二月二十八日集三黨分贈所遺既沐浴遂結
束如殮大日拜母几欲就木親戚阻之迫絕米數日顏
色轉瑩偶復步履更珊珊輕舉迄十五日而僵至三
月十九日始絕時遠近婦女環視至死無幾微昏散

袁氏王士駟妻士駟以親喪哀毀卒氏方懷妊尋生子

瑞璋延師督教二十歲舉於鄉年六十旌

以上天啟年旌

朱氏許士泉妻夫亡孤國榮甫三歲教之成立及榮成進士不如命卽受杖旌

顧氏楊熠妻年二十八夫亡守節七十年年九十七子孫曾元共五十五人旌

王氏周秉禮妻年十七夫亡守節坐卧一小樓足不履地者六十餘年年八十一旌

王氏朱崇周妻年二十夫亡守節又值水潦乃移夫棺置卧榻旁撫孤聖毓及長婚娶生子而聖毓復死乃與婦某氏相依四十年旌

陸氏周士元妻事姑王曲盡孝養備歷艱苦四十餘年
情同母女旌

王氏吳鑛妻年二十七寡家極貧撫孤克成進士旌

王氏周重仁繼妻姑性嚴事之曲至未幾重仁歿嗣子
士元爲後娶婦陸氏而天遺一孤孫王乃與媳苦守至
四十九年陸亦以孝稱並旌

某氏陳文璧妻早寡撫一女贅凌昆爲婿後昆生子女
志官給事中上其事得旌

某氏王瑄母早寡守節泣妻劉氏亦以節著旌

以上崇禎年旌

國朝

呂氏龔孟理妻年十九寡無子歸母家粗糲不充苦守四十四年旌

張氏李泥水妻守節三十八年旌

王氏龔允權妻夫亡遺孤四教養成立乙酉懼有兵焚急葬三世喪旌

呂氏

江南通志作陸氏

聞師尚妻守節三十年旌

劉氏施良猷妻守節五十五年子文郢妻趙氏守節三十二年並旌

以上順治年旌

吳氏金文燭妻年二十寡守節訓子仙爲諸生八十四歲卒旌

曹氏陳言先妻幼涉經史識大義夫卒撫孤成立年五十四卒康熙初由崑山縣題旌

王氏曹訥繼妻守節四十年旌

錢氏盛芳妻婚數月芳歿治窆窀并葬其夫後以嗣子不肖依兄晉錫以終旌

顧氏王公度妻守節四十五年旌

以上康熙年旌

毛氏張嚞繼妻夫亡事舅孝撫孤成立孫之瑗傑俱爲諸生守節六十二年八十八歲卒旌

錢氏高育妾夫亡撫孤士鳳成立孫實賓爲名諸生守節四十四年旌

王氏徐炳妻年二十四夫亡守節年六十餘卒旌

陸氏黃苟表妻年二十二寡年五十五卒旌

章氏張國禧妻守節四十七年旌

顧氏楊佑妻守節四十三年子萬春妻陸氏守節三十八年並旌

顧氏周旋元妻守節四十五年旌

許氏沈瑞麟妻年二十二寡撫孤湮成諸生守節四十六年旌

陸氏王應台妻守節三十四年旌

韓氏明顧鼎新妻鼎新病刲肉和藥以進不效時氏年十九家貧上事舅姑舅病亦刲肉療之孤早夭再撫孤

孫有成旌

郁氏許字吳竣竣歿氏年十九舉所聘物封識之布衣蔬食稱未亡人及姑歿貧不能殮啟所封聘物歸其半曰此足爲姑殮矣翁歿盡舉歸之母病潛割臂肉以進病良已及歿哭泣逾年亦卒旌

李氏毛天駿妻婚四月而寡方天駿疾革手書諭改適及殮取所書雜楮帛焚之曰此亂命也以死自誓撫嗣子舒有成守節四十六年旌

郁氏蕭兆錫妻年二十四寡明末賊劫之同姑溺於水抱姑出獲全子蓋臣妻黃氏年二十二寡郁病劇黃泣禱晝夜靈芝產於庭擷之煮以進姑病愈家累三世偕

悉葬之並旌

曾氏錢以淳妻年二十寡無子翁以幼子命撫之旣而
曰夫居長宜有承重以弟嗣兄非禮也仍按序定嗣旌
李氏董慎簡妻守節三十二歲旌

錢氏許元吉妻年二十一寡守節終身旌

金氏聞乾妻年二十八守節四十七年旌

黃氏陸京妻京爲仇人所害氏剪髮銜刀哀號奔控仇
人授首守節五十餘年旌

陳氏王自明妻守節四十八年旌

錢氏盛源妻源以逋賦出亡不歸氏年二十六荼苦自
勵教子至成立旌

李氏沈晟東繼妻守節三十四年旌

陳氏周世求妻守節三十年旌

楊氏沈尊孟妻守節三十四年旌

凌氏侯澄妻守節三十四年旌

毛氏王時亮妻年二十九寡撫侄成諸生旌

朱氏陸祖參妾守節二十一年旌

華氏吳俊妻守節十七年旌

周氏顧穎明妻旌

程氏李天培妻旌

杜氏狄斌僕妻旌

薛氏王漢妻明末里中奴隸倡亂氏從夫奉姑出走氏

方娠徒跣數十里姑病瘧患渴氏以乳汁飲之三晝夜始達舅所及歸室家蕩盡年二十八夫以瘵疾卒撫子爾心成諸生翁姑相次歿殯葬盡禮年八十三卒旌陳氏楊承先妻旌

吳氏陸珣妻子溥娶錢氏姑媳守節並旌

陸氏張御妻二十六歲寡撫孤綺及長氏令輯先集刊世譜守節三十餘年旌

周氏童振宗妻旌

張氏周書妻早寡撫孤震緒震綱皆爲諸生守節四十四年旌

吳氏聞穀士妻旌

直隸太倉州志

卷四十二

人物

列女

八

陳氏李爽望妻年二十五寡紡績以課遺孤瞻爲諸生
守節五十餘年旌

周氏顧耀才妻年二十四寡織紉積貲教遺孤垣爲諸
生雍正十一年海溢耀才墓爲水所漂氏與垣哀號求
其柩不可跡有神降於城西關外垣往祈之乩示以某
月日往海濱某處如其言往潮正落得之遂奉以歸終
年六十七旌

陸氏張益融妻旌

陳氏邵子立妻守節三十一年旌

黃氏馮時菖妻夫亡撫孤成立守節四十二年旌
朱氏程煥妻年二十二夫亡苦守撫孤旌

周氏龔爾仁妻守節三十六年旌

胡氏錢允錫妻旌

吳氏凌克悌妻旌

胡氏錢緒宏妻旌

奚氏何永光妻旌

管氏王廷楨妻安貧守節旌

顧氏黃廷簡妻旌

劉氏張豐繼妻年十九守節旌

歐氏呂升楣妻旌

蔣氏王棟吉妻旌

顧氏羅袞妻夫亡鬻所居以葬並葬祖姑舅姑四棺撫

周歲孤岫爲諸生旌

周氏王素安妻守節四十二年旌

陳氏王之琳妻杜氏之琳妾並旌

費氏顧元錫妾元錫歿絕粒救甦守志終身旌

朱氏崑山人許字徐曾詢未婚夫亡矢志歸徐以事舅姑嗣子甫長又亡因賣其屋以葬至老家益貧依妹以終卒年六十餘旌

陸氏楊萬春妻守節三十八年旌

以上雍正年旌

尹氏黃九苞妻旌

陸氏曾光旦妻守節三十八年旌

陸氏祝贊臣妻旌

曹氏錢宏基妻守節三十三年旌

龔氏顧慎妻夫亡撫遺腹子事舅姑年三十六卒旌

陳氏陸鴻儀妻旌

孫氏陸彭繼妻旌

陸氏趙貞妻旌

郁氏潘錫疇妻旌

周氏王麟趾妻幼知經史夫亡操作以養舅訓子周吉
爲諸生舅歿鄰火氏伏棺哀哭風回焰滅人謂孝感年
五十九卒旌

顧氏王之鰲妻夫歿家貧事孀姑葬父母撫嗣子全德

爲諸生年五十二卒旌

張氏王秉憲妻年二十一寡事舅姑盡禮終年七十八旌

趙氏王俊芝妻旌

胡氏周莊妻旌

張氏周張益妻旌

蔣氏吳德愷繼妻年二十六守節年五十二卒旌

胡氏程民望妻旌

陸氏周韶祥妻旌

諸氏趙錫純妻旌

陳氏諸信服妻旌

吳氏盛守貞妻旌

唐氏陸世爵妻夫亡撫孤苦守日餐糠粃者三十餘年旌

周氏龔素貴妻旌

高氏仲祖山繼妻旌

戴氏顧崧妻旌

張氏顧惠侯妻旌

陸氏錢浩妻旌

曹氏王玠妾旌

陳氏張四起妻早寡家貧事翁姑孝撫孤成立守節四十四年旌

沈氏王子和妻旌

張氏金一鶴聘妻旌

余氏吳顧榮妻旌

錢氏蕭瑞妻旌

瞿氏陸又王妻旌

陸氏凌廷懿妾旌

沈氏劉光敷妻旌

郊氏張鎔妻旌

陳氏毛職谷妻旌

陸氏王公序妻旌

潘氏王接武妾主亡事正室吳氏極謹訓二子安國青

俱爲諸生終年五十四旌

黃氏徽州人邵光龍妾年十七歸邵邵卒時生子僅十月其妻挈子回籍氏就屋紡紉撫孤婚娶後子婦俱早卒又撫孫應鑾爲諸生終年九十一旌

鍾氏明孝子陸安妻婚旬日安卽之京代父死臨行呼氏訣曰我死分耳汝年少改從行時可以麥飯饒我墓氏曰君行矣勉之吾易處耳旣安果得代其父攜安骨歸氏發哀入室自經死 國朝追旌

陸氏錢棠妻年二十四夫亡撫侄黃照爲嗣教之爲諸生終年七十四旌

徐氏湯發祚妻旌

周氏李文治妻旌

張氏曹子蕃妻旌

唐氏丁毓妻旌

陸氏閔宗鈺妻旌

柳氏陸鉉妾生子未週鉉歿氏操作以撫孤雲標成諸

生守節二十餘年歿旌

王氏張于臨妻旌

過氏陳于忱妻旌

歐氏俞掄妻旌

陸氏張浩妻旌

王氏蕭懿業聘妻過門守貞卒年四十四旌

凌氏金龍徵妻早寡舅姑逼改適守節愈堅奉事愈謹
終年七十八旌

顧氏王清妻守節四十二年旌

周氏王國璋妻守節四十年旌

張氏周書妻旌

陸氏趙貞妻旌

陳氏王國寶妻家貧日勤紡績奉翁姑撫孤子守節五
十六年子祖植妻全氏守節三十九年旌

王氏呂應爵妻守節四十六年旌

張氏陸士龍妻守節四十餘年旌

錢氏張煥妻旌

唐氏朱國麒妻旌

程氏顧天爵妻家貧苦守四十餘年旌

顧氏董有慶繼妻守節四十三年旌

朱氏嘉定人方致安妻夫亡撫二孤守節後並歿次子
洽聘妻顧氏名貞亦嘉定人衰經來哭誓死守貞並旌

金氏吳文俊妻守節四十二年旌

孫氏李叔佩妻旌

劉氏戴藻如妻年二十六寡撫孤尙賓成立守節六十
七年旌

鄒氏曹虞翌妻守節四十餘年旌

吳氏陸照妻旌

朱氏陳振成妻撫孤柁爲諸生守節三十餘年旌

顧氏程繼鶴妻旌

季氏顧貞侯妻旌

李氏王夢蛟聘妻夢蛟卒撫嗣子喆成立守貞三十餘年旌

李氏周魯觀聘妻守貞四十餘年旌

曹氏黃觀光妻旌

錢氏吳彥通妻旌

陶氏謝華彥妻旌

王氏毛侃妻夫亡撫孤詡娶妻未幾詡又夭後撫姪子敬中爲嗣卒年八十旌

張氏金學浦妾旌

盛氏金學滄妻旌

李氏程進妻守節六十餘年旌

吳氏郁元裳妻雍正十年海溢夫柩漂失率二子哭求曠野越兩月卒得之守節垂四十年旌

侯氏王源度妻旌

呂氏錢金錫妻夫亡周歲挈孤濬依母居守節四十年後濬中康熙三十八年舉人旌

陸氏陳杲妻旌

邢氏呂元壩聘妻旌

朱氏錢天鑑聘妻守貞定嗣卒年四十旌

以上乾隆十年前旌

何氏錢一泓妻歸錢後自以體羸恐艱於嗣爲夫置二妻姚氏王氏各舉子女一何氏年二十八寡與二妻同守節教子位德爲諸生卒年六十六並旌

張氏顧贊妻守節四十四年旌

陳氏華世榮妻旌

黃氏王尊美妻旌

高氏呂方旭妻旌

王氏邢廷鏡妻旌

季氏王光宗妻旌

袁氏薛介玉妻旌

浦氏盛亨繼妻亨妾項氏並旌

張氏陳汝南繼妻旌

周氏徐清妻夫歿九日生子助家貧矢志守節四十年
清弟挺妻顧氏早寡無子與周共事老姑守節四十二
年並旌

楊氏高曠之妻旌

陳氏高茂德妻旌

毛氏王馨穀妻旌

陸氏顧思仁妻守節四十餘年旌

周氏黃景妻旌

倪氏楊俊妻旌

王氏吳麟錫繼妻旌

顧氏李淇妻旌

朱氏周世爵妻旌

陳氏孫茂甫妻旌

施氏徐覺妻旌

余氏李世淵妻旌

朱氏張肇基妻旌

張氏聞晉侯妻旌

顧氏張懷德妻旌

王氏楊峯妻守節四十八年旌

瞿氏龔瑞儀妻旌

直隸太倉州志

卷四十一

人物

列女

六

胡氏張攀桂妻夫亡殯後赴宅旁池水死時年二十四旌

蕭氏陸楨妻年十九寡奉侍兩世舅姑撫嗣子元熊成立守節三十餘年旌

劉氏王煜妻年二十寡孝事舅姑撫嗣子應造爲諸生守節四十年旌

以上乾隆二十年前旌

葉氏蕭翌妻旌

沈氏陸振妻旌

周氏俞念曾妻旌

張氏蔣受慎妻旌

馮氏曹應侯妻旌

范氏錢續曾妻年二十九寡守節五十年旌

楊氏顧秉貞妻旌

高氏趙勲妻旌

王氏金鸞妻旌

以上乾隆三十年前旌

顧氏曹翼妻旌

俞氏方超妻旌

陸氏張仁佩妻家貧苦守撫養五子成立年八十二卒

旌

張氏李宗翰妻年二十一寡無子撫侄邦彥爲嗣終年

七十三旌

張令儀年十七母病潛割臂肉作湯以進病立愈適崑山李嵩年早寡事舅姑盡孝教子成立旌

余氏季佐仁妻夫亡立姪秉義爲嗣守節四十九年旌
華氏凌秀章妻守節五十七年旌

林氏王文廣妻年十九守節撫孤寓居常熟由常熟縣題旌

周氏陸僕妻夫亡撫姪纘僕爲子比長從夫氏守節四十年旌

徐氏王士美妻旌

錢氏王格妾年十九寡撫孤守節六十餘年旌

凌氏馬峯秀妻年二十七寡遺孤殤嗣姪爾繩縮衣食積金以葬三喪卒年七十七旌

金氏錢模妻夫亡撫姪元熙爲子守節四十二年旌

王氏顧大本妻年二十四寡撫姪聚爲子卒年五十三旌

薛氏顧鳳池妾夫歿守節奉嫡甚虔生子兆惺甫週歲教養成立歷四十年如一日旌

蕭氏王師靖繼妻旌

陳氏王師度妻旌

朱氏王暄聘妻旌

吳氏顧煦妻旌

閻氏馮棟妾旌

陸氏顧燭妻旌

陸氏許宏緒妻旌

張氏許大成妻夫殮自經救甦耳後帶痕不滅孝事舅姑撫二孤成立守節五十五年旌

朱氏胡士進妻旌

錢氏張德遠妻夫亡事舅以孝著舅病足曾海溢氏負舅行至高處獲免祖墓地爲族無賴子鬻去氏聞趨赴售者家贖歸性方嚴家人畏之旌

顧氏胡天申妻夫亡撫姪學寅爲諸生旋夭後撫從孫爲後卒年五十八旌

王氏陳端如妻旌

胡氏郁肇基妻旌

章氏張鳴雷妻早寡孝事翁姑撫子夢珠成立後子婦相繼死又撫孤孫尙奎前後力舉三喪旌

季氏陸之芬妻旌

沈氏楊無斃繼妻夫歿生子調撫養成立孝事舅姑喪葬盡禮卒年五十七旌

陸氏徐洪聘妻爲養媳有陳才者艷氏美百計誘之不從乘間犯之氏大呼殺人才遁去遂自縊時年十八知州鞠得其實才坐絞氏得旌

以上乾隆四十年前旌

董氏沈煥如妻旌

朱氏王允中妾旌

孫氏周之轍妻旌

顧氏聞鼎爵妻旌

郁氏顧恬繼妻旌

趙氏徐雲高妻年二十六寡夫殞踴身墜樓家人救免旌

凌氏馬廷珍聘妻旌

侯氏趙巖妻遺孤廷桂成立旋以羸疾卒又擇從孫同照惇裕並嗣守節三十三年旌

沈氏張孝思妻旌

錢氏王儼妻旌

陸氏徐煥章妻旌

陳氏季信仁妻旌

陸氏馮經妻旌

以上乾隆五十年前旌

郁氏王之瑞妻年二十二寡家貧十指自給孝于姑後夫弟之玠官山東遣使迎養氏爲辦裝以行忽遭疾恐不及葬夫因棄田以營窆穴旌

胡氏馮毓鯤妻旌

王氏呂元秀妻旌

王貞字慕貞馮策勲聘妻幼通訓詁年十五策勲歿計

至三日不食賦詩五章扃戶自縊救甦頓然曰曷爲活
我後將議婚他族絕粒八日而歿旌

王氏何蘭妻初以家貧未娶及病咯血瀕危謀娶婦以
奉母人咸難之氏聞涕泣願往婚七日蘭卒經紀喪葬
俱盡禮事姑尤以孝聞旌

徐氏馮元勳妻年二十一寡勤紡績以事舅姑無子以
從姪垣爲後教之補諸生旌

王氏陸元默妻旌

陸氏徐九齡妻旌

胡氏周文妻婚九日夫亡奉養翁姑十年逮夫弟成立
謂人曰今奉養有人我可從夫地下矣遂自縊旌

胡氏周文虎妻能文成婚三日文虎死哀慟欲殉家人
勸止之嘗作落梅吟曰可憐旣被寒霜壓又遇狂風作
雪飛終喪後自盡時年二十五旌

許氏陸煌妻旌

許氏李濬妻旌

王氏聞夢奎妻旌

金氏陸覲宸妻旌

王氏楊繼祖妻旌

陸氏顧鏞妻旌

王氏周聚五妻夫歿後侍奉舅姑會姑病篤割臂肉以
進病霍然守節四十四年旌

陸氏吳元佐聘妻旌

劉氏陸庭桂妻旌

吳氏張士才妻旌

以上乾隆六十年前旌

凌氏孔廣珍妻年二十八寡守節三十年旌

顧氏陸幼成妻年二十六寡守節三十六年現存旌

以上嘉慶二年旌

未旌列女

元

謝氏沈慶一妻年二十八寡至正十二年方國珍沿海肆掠氏度不免積薪自焚寇退家人得其骨葬之

張氏父水軍百夫長納婿周半載時義兵元帥貪父謀
刺之事泄夷其家氏年十七殊色械武陵橋下當刑帥
子誘之活氏曰豈有父母死而我獨生乎帥子拔刀加
其頸氏罵曰死耳柰何浼賊乃顧所親曰我有遺金在
某所其葬我親耐妾夫側帥子度不可脅殺之

莊氏泉州人嫁海鹽陳思恭生子寶生思恭出販死於
水人聞莊賢麗求之輒誓死思恭前妻子在海鹽莊遺
錢以贍之思恭嘗貸其友錢五千緡氏曰我在柰何使
夫有負債名傾所餘以償焉後寶生築春草堂於太倉
奉母居之

明

沈氏鄒麟妻洪武初麟戰死或勸改嫁氏不許以哀毀卒年二十八

唐氏曹士則妻夫亡子幼翁目眚姑復病守節四十餘年舅姑歿喪葬盡禮

錢氏胡原妻幼讀孝經知大義洪武末原以事戍雲南逃歸坐棄市氏亦自經時年二十八

某氏陳德母

陳氏袁華母

以上洪武年間

胡淑寧年十九許字楊皓皓死父諷之云禮女子未廟見猶不成婦淑寧曰不聞女子以一終乎遂守貞至老

王氏張敬妻敬客死於寧波二子幼氏徒跣求夫喪日夜刺麻苧爲活或風以改圖卽斃面并灼其頂矢守不渝

以上永樂年間

錢氏陸茂妻茂病氏紡績以奉湯藥歲餘茂死氏祭畢自縊年二十三

徐氏崑山王原甫妻夫亡遺一女撫之女及笄復死伶仃孤苦年八十六卒

顧氏少育於叔許字王某夫死矢志守貞叔又許嫁徐某至日強氏至徐所氏哭曰我故王郎妻也乘閒自縊死及殮上下衣俱結不可解

正嘉靖九年
楊淑貞奚昌齡妻年十九而寡家貧撫遺腹孤贍成立
守節四十餘年

以上宣德正統年間

楊善英順天人修撰張泰繼妻婚三載而泰卒依兄居
撫孤嶼長爲譯字官

孫氏陳古民妻夫歿家貧母家頗富欲迎女泣謝曰我
守爲誰死於陳矣卒不歸

鈕氏周康妻年八十二康死奉舅姑盡孝

凌氏趙角妻夫亡紡績養姑姑卒營葬撫孤洪修爲諸
生

方淑蓮適金璫半載璫客死宗人勸母自苦淑蓮泣謝

曰夫婦計日且無子遂不爲贅乎卒守節年至八十餘

陳氏徐伾妻早寡家貧撫孤旋天守節四十年

莊氏滑聞妻

江南通志作滑聞妻

夫死撫孤女獨居一室女長適

人念母欲迎養不往指所居曰此滑氏之廬我所爲守者也年七十五卒

吳氏陳璵妻夫亡奉姑姑卒喪葬盡禮撫孤成立年七十有九卒

毛氏江山妻年二十三山卒守節所居火夜發抱其孤與夫主而出人皆敬之

以上天順年間

周氏顧倫妻家貧守節年九十餘卒

周氏陳倫妻年二十二寡舅姑歿歸母家守節撫兄子
壘後成進士奉其喪合葬於倫墓

以上成化年間

某氏宏治四年大水饑夫婦窘甚夫鬻妻於貨糖男子
僅取三十七錢與妻訣別氏與貨糖者行數十步過小
橋卽投水死

張氏徐澈妻夫亡撫姪龍守節年七十一卒龍事母盡
孝養孺慕終身

吳氏張侃妻夫亡撫孤鳳翔事姑孝守節五十九年

以上宏治年間

朱氏曹振綱妻守節四十年撫子遠成進士

沈桂英陸潤妻年二十潤亡自經者再爲守者所持乘
閒死之

以上正德年間

茅氏陸樞妻幼習小學孝經年三十三而寡紡績自給

有攜孤上墓詩世多傳之

附詩攜却孤兒上古墳眼穿

負夫子深情兩處分帛紙灰飛烟漸冷杜鵑聲切耳難聞東風道路多塵土不染荆釵舊布裙

王氏周允元妻守節三十年

周氏黃欽妻早寡父母規之泣曰我惟死與守耳年八十卒

薛氏沈崑妻避倭曠野爲所執脅以刃不動得閒投水

倭怒擊死水中

楊氏沈坤妻避入西村被掠乘閒自沉倭取旁巨甕擊

之死水中

按鳳林備採沈崑作沈坤薛氏作楊氏州人周錫有沈節婦楊氏詩府志作薛氏未知孰

是兩存之以俟考

邱氏王堯臣妻倭至以夫病不忍去賊強汚之不從支

解死

郁氏朱宋妻汲水井上倭猝至不受汚被十五創死

某氏戴沈白妻拒倭剖其腹投水中

某氏趙某妻遇倭不從身被數創與夫同死

按金鴻縣志費參云

嘉靖十三年倭寇直轄羣聚大姓徐老佛家時徐舉家避常熟二僕居守匿側樓重脊下見賊掠一少婦至貌甚美百計求姦婦不聽賊始則拜跪笑舞媚之繼以怒揚刃脅之婦終不為動賊憤甚以刀刺其小腹腸胃迸

出而死惜
姓氏不傳

朱氏曹炫妻年二十七夫亡撫嗣子志學成諸生知州
熊桴表曰苦節

項氏呂小二妻年十八寡小二庶出死後兄弟析產不
及氏氏忍苦茹貧守節終身無怨

唐氏武揚女母徐氏以貞烈自經時唐甫在懷抱育於
祖父母年十九歸崑山朱康伯夫亡殮畢自經靈几側
張氏夫死夫弟奪其產逼改嫁氏逃歸兄所夫弟偵其
兄出劫之以如所許陸氏氏卽絕粒乘閒縊死陸歸其
屍葬於故夫側焉

張氏陳士澤妻守節三十六年

陳氏年十九適崑山歸善世疾革遣歸侍母氏泣曰妾無復歸理生死從夫耳善世歿氏手二玉珥一以含善世留一以自含曰以此爲泉下信也已欲自裁母持之一日沐浴更衣出拜舅姑至夕結縊於牀一嫗救之復甦明日伺間竟自經死

王氏張昭妻守節三十餘年

張氏丁遂妻年十八寡守節四十四年而歿歿時有明月半天魂久逝白頭今日見君時之句

陳繡金周墅家婢墅納之未幾墅歿繡金年二十二矢志自守勤苦終身

王氏周賓妻年二十五寡子東川方在襁褓氏獨處一

室屏絕問遺父母家亦不往

殷氏郁遲妻守節三十年遲弟迨妻楊氏亦勤儉早寡
守節不渝

以上嘉靖年間

陳氏周鑑妻年二十七夫亡教子涉爲諸生孫敏成舉
人年九十一卒

朱氏呂楠妻年二十七寡遺腹子尙在襁褓倭亂氏約
兒置懷中亡匿得脫年七十二卒

王氏薄化醇妻年二十六夫亡撫孤成立

唐氏鄭強齊妻年十九夫亡無子守節終身

陳氏周敬思妻沙溪志夫亡撫孤成立守節五十一年

栢氏王崇本妻夫亡撫孤瑞菴爲貢生守節五十八年
何氏顧爾仁妻夫亡舅憐其貧欲嫁之氏閉戶不出紡
績自給營葬夫柩守節五十餘年

錢氏周孟德妻夫亡家貧矢志撫孤玉成立玉工書士
林稱之氏年八十餘卒

管氏志道從姪女幼識大體年二十適邾都都亡無子
而後姑凶房氏年未三十舅趣之嫁氏不從則夷其竈
氏以死自誓懸釜而炊烟塞棟宇戚屬哀之勸復灶氏
曰復灶是逆翁命也遂釜炊終身卒年五十八

盧氏如臯人夫某以役累逃入白茆市氏與所生女並
有姿色市魁張島等見而悅之島幸於太倉兵備副使

李捕其夫某鍛以酷刑使承爲亡命劫盜李沉之海中
島等議以氏爲妾氏聞之入厨下藏一刀以出令女先
自刎氏繼之島收二屍焚之埋園中後巡按御史廉得
之捕島置於法

薄氏少君沈承妻承有雋才而天少君爲詩百首哭之
逾年值承忌日酌酒一慟而絕

曾氏俞待詔妻

陳氏朱霆母

金氏王問津妻夫亡毀容守節子冲宇娶妻黃氏而天
乃與媳撫孤孤顯亦又遭兵燹兩世以苦節聞

曹氏王南瀛妻夫卒撫孤克之成立克之亦夭與媳曹

氏撫孤孫均苦守以卒

以上萬歷年間

王氏陳元吉妻年二十夫亡撫孤光允成立守節五十餘年光允長以孝聞

以上天啟年間

周氏楊克清妻夫歿遺孤尙幼氏課耕織值明季荒亂勤苦備至子永言亦以行誼稱

蘇妙真黃迪妻迪歿將殮之夕自縊屍旁家人救免服除里人聞其賢欲娶之妙真聞以刀斷一指自誓年七十七卒

鄭氏夏恕妻恕爲四川布政使抵重法氏沒爲指揮家

婢主欲以爲妾氏不從主出金玉錦繡誘之截耳自誓爲尼以終

馮氏崑山人年十七歸陳某十九夫歿藉女紅自給撫三月孤照後爲諸生尋亦歿先是馮有妹年十七歸張某逾年夫死無子馮念其妹移家太倉相依三十餘年各八十餘歲卒

唐氏王廷對妻夫歿無子賃廡耕織自給守節四十餘年卒

龔氏許字項氏子項天矢志守貞長齋禮佛日織布一疋垂二十年以資薪水後祖母囑其爲項立後乃請於知州錢肅樂且上其事於臺司而項父多違言氏聞惋

憤卒

龐氏王嶼妻有疾嶼欲出之氏願傾奩爲置妾嶼不從遂投繯死

章氏周杞妻杞歿氏慟絕復蘇寢苦數日減性死

張氏金聲亮妻婚半載夫死絕食殉之

楊氏張士魯妻二十而寡撫三孤俱成立崇禎七年御史祁彪佳給貞心匪石額

王氏朱允英妻夫死無子事孀姑撫二女守節四十餘年御史祁彪佳給純孝完節額

楊氏穆士淳妻夫亡撫孤雲棟成立崇禎間知州錢肅樂給額

陸氏方鳴岐妻早寡無子守節撫婢所生子稍長口授經書家貧以針指自給知州錢肅樂給守貞毓秀額年八十三卒

施氏方起鵬妻年二十四寡子道行妻陸氏年二十六寡遺二孤姑媳勵節知州給額獎之

顧氏吳鍾英繼妻守節四十餘年事舅姑以孝撫兩孤溶淑皆成立崇禎年巡按御史給額旌之

朱氏胡浴日妻

吳氏顧維翰妻夫歿遺五子家貧守節撫子卒俱成立卒年七十七知縣給苦節可風額

何氏凌箕妻性真靜舅必正工繪花鳥氏寓目會心頗

得其妙夫亡婦欲殉舅勸阻之伺間赴水死

吳氏許字周維藩將婚維藩病劇母知不起欲遲其歸女堅請行既歸侍湯藥甚謹及卒遂絕粒父母強之歸病日甚及姑往視乃泣告曰婦死非所夫亦不可無後姑許輟歸合葬且爲置嗣乃瞑

張氏江孔殷妻張父家蘇州孔殷入贅甫五月歸省父暴卒氏聞訃奔喪引帶自經侍媪救免父母迎之歸氏給小婢買砒以毒鼠密藏之謂其姊妹曰善事父母吾當往太倉不再歸矣一日堅卧作疾痛聲牀簀皆動父母驚叩婢以實告氏顧曰兒已矣殮後當載歸江氏墓耳言訖九竅流血死年二十二

許氏王璣妻璣妹名完年初及笄與氏素以志節相勵
甲申之亂璣以副總兵屯守劉陽城城陷謂氏曰我當
出身以任國事汝奈何氏正色曰君有君事我婦人自
有婦人事完慨然曰吾不孤矣明年 大兵徇劉河

完先自經死氏視之曰姑真不負其言亦赴水死後璣
繼娶許氏卽氏妹也璣卒妹年二十四兵燹家破苦志
守節撫諸孤成立年八十餘卒

周氏 維新妻維新巡海死氏撫遺腹子守節五十餘
年

羅氏崑山人陸密毓妻明季避仇母家遇兵氏免身方
五日謂密毓曰君男子可無死當速歸密毓欲與俱羅

曰前途安可知辱身生不若潔身死也城將破抱兒躍池中死

王氏趙德培妻夫亡守節明季兵至被掠伺隙投水中誓不絕兵恚投石碎其顙而死

朱氏郭澥妻明季從夫避兵走海灘行數十步慨然曰禮婦人不出門我豈逐曠野求活耶兵益迫先投幼女於水又曰我死奚惜但未識老親安在澥欲同赴海止之曰妾不可生生則辱身君不可死死則忘父言訖赴水死

任氏王端門妻性真靜順治二年閏六月兵至北門氏聞戶外馬足聲赴井水死

王氏吳世蔭妻順治二年七月兵至王被掠投水不死脅之登岸義不受汚兵怒剖腹死

楊氏張某妻順治二年七月兵至氏隨衆婦匿叢荻中被獲衆皆係纍去氏罵不從舉刃砍之聲益厲遂刳腹支解死

呂氏王家魯妻年三十夫死自經爲侍者所持未絕鼻泣謂曰汝固烈獨不念汝夫一縷之續耶乃矢志撫孤斷一指置棺中

邵氏周柔存妻順治二年七月柔存挈妻子避亂道遇兵殺柔存父子牽氏行氏坐曰吾夫吾子俱死吾將安往脅以刃不動竟死夫側

程氏陳梅妻順治二年遇兵掠之不從乃沉諸水再沉再出終不從而死

趙氏浦山元妻順治二年兵至被俘不從誘之不聽兵以刀剗其腹死

趙氏米店某家女順治二年州中訛言兵至居民驚徙城中一空氏聞赴水死年十八

王氏朱伯開妻爲兵所掠擄之走不行與婢金蓮同被數刃而死

龔淑貞幼工詩十歲詠雪有梅花繡歲寒之句父挺之異之年十六適呂雲奇順治二年雲奇殉父死淑貞方有娠及殯引刀斷左手小指指墮血淋漓沾几席衆訝

失聲淑貞徐拾指焚諸鑪拜且哭曰所不終爲呂氏妾者有如指居窮鄉力耕食不給雜糠粃咽之四年春江南訛言將選幼女寡婦入都淑貞自紉其衣投於池園嫗掖之得起陳瑚作孝子節婦生死合壙銘方雲奇死時淑貞年二十三所娠以過悲而實云附自悼詩殘菊寒霜點翠苔子然零落帶愁開水心瀨向蒼天問知是陽和不復回自古名園費賞吟春風搖蕩百花林可憐惟有霜天月照出寒梅夜夜心

陳氏葉中密妻順治二年中密隨父並死於兵孤藩甫四歲氏拮据奉姑先是中密好施與有請假貸應之及亂亡失契券無所責償而索逋者磨至氏乃盡棄田宇償之泣語藩曰寧使人負汝父不可使汝父有負人名

也姑歿歸依父母家藩後成名士氏以哭父卒守節三十一年

胡氏張光斗妻順治二年光斗被難氏撫遺腹子桂成立守節五十六年

顧氏周綿存妻明季綿存被難氏撫孤德培成立守節五十六年

李氏長洲人年十五適趙雲蒸爲繼室數年而寡性好施破產贍族教二孤長華屏崇禎六年武舉次京基諸生會鼎革母子偕隱知州白登明給大節霜嚴額章氏唐大章妻常刲股治母疾

王妙蓮林信妻

俞氏顏塤妻

葛氏周潛妻

以上崇禎年間

直隸太倉州志卷四十二終